

續修四庫全書

《續修四庫全書》編纂委員會編

續修四庫全書

上海古籍出版社

一五六九・集部・別集類

湘綺樓全集三十卷（文集八卷詩集十四卷箋啟八卷）（文集卷七至箋啟卷八） 王闢運撰……………一
可園文存十六卷 可園詩存二十八卷 可園詞存四卷 陳作霖撰……………三三三

湘綺樓文集卷第七

長沙湘潭王闓運字壬父撰

墓志銘

采芬女子墓誌銘

出郊而望但見紫玉之煙舞鶴還來俱入泉臺之鏡春寒南隴鷓鴣始啼水下西州伯勞空去留野棠于荒寺拾落葉于崑山其中有麗人焉其人也生于南海命曰東娥雪肌目楊柳爲腰玉色目芙蓉伯骨身嬌阿那非關石尉之珠頰薄分明略比蕭宮之醉蛾眉勝于粉黛秀質弱于羅紉鄰宋玉而三歲無窺問羅敷而長季未

文集墓志銘

滿喜教鸚鵡似有怨而無情常瞋蛺蝶每春輕而豔重至于青瑤窗裏明月初回白玉房崑垂楊自見桂旗習禮花紙能書慙淺媚已題箋倚宿妝而弄蘭玉臺清製非惟芍藥之文太甲仙童卽擅靈飛之字微吟風引薄蔡女之言才妙解天成過宓妃之受教是目冬閨寶押作頌方閒秋期銀漢臨波微睇略修詞于彤管時寫韻于青幃可尋近比芬椒遠吟班扇乃以迹珍私篆詩付餘焚秘雕華之逸札自託蠶絲問縹帙于當今不分麟閣碧玉瓜季之及季蘭蘋澗之時生本無雙何論天壤名居第一自成殊邈鬢影彈琴笑文君之自耦樓中吹

文集墓志銘

笛無弄玉之俱仙倚袂如思橫波已淚加以曉鷺驚露宵雁來霜眉長而易鬢髮多而難掠青羅薦冷寧待風妃紫綺襦分初無鳳翼芳辰三五方洛陽而自嬌闌干十二弔姮娥而微歎況復朔冰蕙減秋雨桐清緩箭宵遙芳衾暮卷海棠零雨但有春寒桃花映日已成朝病酥融錦幌瘦掩金泥瑤琤情持絕飲靈臺之露金盤罷進詎孽麻姑之脯雖復五銖衣弱不稱慵肩片玉甌擎尙勞纖手然而樹謏疾願忘阿母之思夢草空裏豈冀夫人之寵坐依屏幃無合德之回身容分圖畫異矣妃之不飾華宮宛轉洞室優游鍼佩朝攜香囊莫解持裾有望難留少女之風入峽看雲遙有美人之氣挈衣未畢不復成妝將鏡非遲何曾得影繭牽情而冀續灰落夢而徒驚執手卷然斂容而逝嗚呼某幼依若琬得近荃珠江左雙名慙是小喬之姊劉家清族終傳三妹之才入室思君臨牀憶起初七下九焉忘共戲之時玉檻瑤軒盡是同凭之地琴聲未絕素軫旋塵繡袂將成珠襦遽慟雖事猶昨日人已千秋空幃流影而靈鵲自驚寒門飛雪而哀鴻不返湘蘿罷月墳草易秋過蔓域而裴回問芳徽之未沫呼名嗟噓執筆荃蘭寫恨無窮所懷何極祇以薰薝三過猶讓徐香寶樹連枝深慙溫

絮牀支翡翠空題瘦粉之碑泣冷瓊瑰化作相思之子
嗟夫零鈿悼以香銘其詞曰

倚與淑女四姓之良金香佩德玉節和璫爰自綺齡從
乎遠道寒渚楫雙室門縱早幼已明詩永言式則詞必
久慮容無慍色長爲妍質十七之季雲將比黛霜則陵
蘭雖以弱體曾無情顏膠云脈續香虛魂返妙想聞樂
雙成促往仙芝枉服叢蕙何依煙寒宋宋月望離離姊
姑悼哀侍奴知涕匪曰私親感于嘉美東城之間藏以
芳土鶴還孤月蟻嘯并雨白日照地無聲有光蜀鵲無
望楚些何傷悠哉美人茲恨在昔淒已千春視此片石

文集墓志銘

皇朝追贈布政使銜子諡忠壯記名湖南道員鄱陽黃
君墓志銘

君諱洵熙字子春鄱陽豐田村人也秉淵溪之精穆峻
厲之容童而居貧躬耕販以給養者近二十季篤學罔
廢季三十由丁未進士分發湖南卽用知縣委署會同
乃布顯政激清源誅奸宄養小民野無橫征之惠吏無
簿書之煩行縣徒步止舍逆旅僕從不堪其勞君不勝
其逸及移署綏甯增修前功儉以惠下直以抗上詞色
嚴毅常若有怒時俗驚怪乃稱疾守靜其時 皇澤久
屯旂旄有翩幙府惟干城腹心之材軍謀是谷君用是

文集墓志銘

四

扁舟孤征上下于江漢物見同異一夜潛發不皇齋糧
便貨僮鬻馬而歸今四川總督駱公方撫湖南知君歛
奇徑下檄委署湘鄉君尙在告竄宋竦望訝其非例奸
猾之徒聞名而先遜者蓋數十人到五月遭父喪去官
既奉母遷長沙要經領軍擊賊寶慶奏功以知府用并
賞花翎又率所部復定章桂陽二城奏保道員遂奏
君從征四川以先啟行聞寇犯定遠偏師馳戰凶徒數
萬望風奔甲奔走蒲伏者百里相望或嘆息于巖壑輕
騎突進俄出其前乘馬陷淖逃寇呼嘯曾未返旆遂殞
命于二郛場季四十有五其日則咸豐十一年五月壬
寅也尸爲賊焚得其首合餘體而斂逾日又得左手別
置蘇焉嗚呼君負不世之氣臨事無讓根而不撓終一
出而折其命矣夫

皇帝惜忠節厚飾終追贈布政使銜子諡曰忠壯命采
功狀宣史館立傳錄其嗣世襲騎都尉同治元年三月
丁亥葬君于長沙大賢都之原戊辰辰向兼乾巽宜也
夫人同縣李氏立君弟之子曰發卿爲後及女子子五
人妾胡氏並銜恤在疚怨乎百身念幽晦之永闕攷落
落之景行威惠存乎遺思壯節傳于無窮用儀古式刊
石作銘銘曰

於顯黃甫稟靈昌緒有淵其文厲節在古不卑小官眾
亦莫侮論不苟合獨斷規架仍用貞固作侯心膺爰初
臨民禁暴綏嘏猾吏負氣望風披目不撓于上志氣剛
強無弱矜寡男女順常疏食飲水百里清明

皇師西征亦奮其功容色澹澹致果于戎敵彼飛隼如
霆如風有進無退其道乃窮伊勇昭孝天休允終考宅
湘濱以答勤民我皇寵終司使顯尊命不可贖俾後
作神于我黃甫運屈氣申幽讚烈光永貞不泯

鄧太夫人鍾氏墓志銘

夫家道之隆興自閨闈其有受祉蕃變秩秩粹粹懽飭

文集墓志銘

五

離華惟率孝禮及身之祚延于百齡者則僕釐介福必
于賢母鄧夫人鍾氏潮州通判封老功將軍老岡鍾君
諱某之第三女也毓德承靈韜仁習度容儀豐頤夔耳
及肩初在葛覃啗啗遠聞老功君靡國不到詎鍾燕譽
以同州鄧公孝友餘慶流蔭空永請見諸子將合二好
于時贈通奉府君諱友煊方在穉齒相有厚福卽許嫁
焉季十三贈君失怙姑氏提攜孤子藐焉單窶以衰門
減禮將欲早迎父母難之爰詢女志夫人對曰父命于
鄧固願助姑服勞承歡其敢辭幼老功君喜曰能明大
義吾無汝慰粵于乾隆五十二季令月來歸于鄧君姑

夏太夫人勤節苦貞躬踐約素計口而炊比于下農井
臼之任夫人是勉父或賜之受以先獻衣服飲食無私
貨畜宛若之間肅肅雍雍故以介婦之行受傳政之重
承祭祀供養蘇于鄧室蓋七十有八年綜其德音賢實
巨孝當姑老多疾安其扶持夙夜牀下未嘗俟召先意
輒知姑忘其病方產元女而姑疾轉危爾乃以孝斷慈
呱呱勿子遠同郭巨事親之誠下抑姜龐溺子之哀道
通神明福祿大來姑病將革執手謝曰婦善事我勞苦
勤矣吾無以遺汝願從此以往衣文繡食甘珍子孝孫順
以至于百季盛矣哉至矣哉用能膺受縣祉景命有僕

文集墓志銘

六

子仁堃歷州縣府道三司數十城之祿仁壽仁達亦有
品秩印綬之封爰及慈孫文明煒煌一道二府貂珠有
華五男二女孫曾數十素業廣昌童婢百餘房室土田
爲州大門皇封三錫夫人敬受食天之祿又四十載
既近期頤神明不衰季九十一以同治三季冬月日薨
于里第惟夫人以孝爲本以慈爲用初在鄉里損己濟
貧卹宗睦姻勉有無從子在官訓以慈惠尤勤民災
數爲大施迄于暮季力豐德隆三因五鄰罔不周逮至
其柔敬以事夫仁嚴以訓子撙節以明禮溫和不養德
老而愈莊貴而彌儉凡彤管之所紀蓋難得而縷焉通

奉君之卒先于夫人二十有五季既葬歷久孤子仁塋以合葬緣于自周幽宅宜于莫安遠惟古制別考靈域龜筮既從遂舉封樹之禮同治四季春月日葬夫人于某原榮哀終備大德允睹既別起北隴宜有議銘乃刻幽石其詞曰

晉在鍾媛爲晉禮宗輝映永矣賢母嗣輓幼孀于鄧思媚君姑以孝以敬以大其家勛相夫子衿纓是戒天祿中積孤其益賴穆穆夫人訓迪底成烈烈中子顯爲名卿福流列邦祿萃于躬富壽康強子孫其逢雖休勿休增益蕃昌耄貴猶勤比于敬姜天寵既赫姻黨瞻儀百

文集墓志銘

七

歲之內爲楚女師孝事終矣五福亦備莫靈高原松柏翳翳追微記音以詔幽泉承慶百代藏德億季

常文節妾蔣氏墓志銘

太宜人蔣氏父名曰光其先澧州人也北渚芳蘭秋水夫人之國秣陵桂樹仙源小妹之家未發南都從游東冶衡陽常文節公輅車度領畫省熏衣但寫荔支方求荇菜以道光庚子曰歸官舍夫其婉約令嫺承歡敬訓女君哀其窈窕師氏識其滌衣生二子三女而有彥昌之難文節授命夫人殉焉桓宣城買德之郎將歸羊肆劉太尉晉陽之婢暗泣虬須太宜人涂碧毀容赴丹明

節廣女之貞心愈烈秦休之內恩無方竟護諸孤生還故里廿季之內家道復隆東閣之門再開百尺之桐方从季冊有八同治九季正月乙亥卒于里第所生子鼎先以詹事府主簿請于所司有誥封爲太宜人適子豫追念艱危躬卜幽宅以其季月日葬于挖北禮也長子豐扣心思德齎指銜哀及息女左氏孫氏楊氏並懃柔儀增傷苦節胡顥之孤衷靡寄金盈之長結如何霜露淒然風森未已豈直汝南李氏克配周侯潯陽孝廉始知陶母銘曰

文集墓志銘

八

唐金愈皎焚玉知貞存孤濟難厲節忘生桓禽飛矣黃鵠悲鳴宋寥元夜蕭瑟松聲

張祖同妻周氏墓志

孺人姓周氏諱孟儀長沙人也父某某官績之通禮養魚之教方成湘浦傳芳荃茹之門始大東方月出纏幣五雙南國桃娛華季十九同縣張君祖同名父之子弱冠多才薇蕨相望東黎斯贊管嫌承女未稱新妝今訝荀妻惟傳絕豔孺人逡巡四德婉孌雙心畫蛾眉而恒待明星御鹿車而無妨纖手琴書之暇箴管多閒下帷而問字頻襄勸學而鳴機更軋至于青軒月始朱戶春餘烏多長樂之聲花有忘恩之色秦嘉暫別已怨皇靈

曰季相逢乃傳賓敬既燕且饗十有一季而以淑慎自持溫恭有度姜家堂上喜孝婦之湘魚石氏牀前代充勤而滌器顯章之嫁惟奉于歡容趙母之終自投于婦手愉瘠應于禮典宛若憶其怡柔代室未幾當閨俄掩倚桂樹于姮娥惟餘藥曰采靈薇于驚女但有回川同治九年十一月王寅感疾告終號佛而逝春秋三十有二王婉羅之雲樓不偕君寶楊容華之長簾留與安仁青山有埋玉之邱白蘋非張韓之地粵以十一季月日葬于縣北文衡之原夜壑有遷朝雲無所追其高致殉以金石刻茗華之二字藍田之舊壁難尋賸薜荔之

文集墓志銘

九

一篇楚國之春蘭不絕

贈太子太保兵部尚書世襲一等輕車都尉剛直彭公

墓志銘

公諱玉麟字雪衡陽人查江河隆彭氏也其先蓋明之世官洪熙中有光祿大夫顯明來居成族遂爲著姓祖啟象父諱鳴九並有名行詳于縣牒公承先德功位煊隆行狀登于國史勛績紀于賜碑薄海周知固無述矣爰起孤幼有志功名及履崇高超然富貴然其遭際世所難堪始則升斗無資終則帷房悼影但恥于侔倖一從豪宕吳音楚服炯然冰映其用兵也眾所疑議飄

然赴之其辭官也人所咨起倏然去之常患咯血乃維縱酒孤行畸意寓之詩畫客或過其扁舟窺其虛榻蕭寥獨旦終身羈旅而已不知者羨其厚福其知者傷其薄命由君子觀之可謂獨立不悲者也晚遭海氛起防南越自謂尋其外所乃復動見扳纏因積悲勞加之瘴毒重感末疾遂曰沈彌頻表請歸釋兵養病咸謂不起猶強遊吳越光緒十六年三月甲子卒于湘東里第季七十有五粵曰其季十有一月甲申葬于衡陽章木寺之原始卜青烏得吉壤訪其山名正同公諱斯蓋天啟滕室嶽配申神略取諧聲改曰餘慶坦禮也埋息地

文集墓志銘

十

下鬱鬱千季宏泐幽詞以畢深恨其銘曰

禾韋作伯斟雉師王一顯一隱何晦何明烈烈尚書婉婉儒生始同公瑾舉酒麾兵旣奪小孤簫鼓和聲左右楊曾江南底平雖辭圭組卒踐台衡爰四十季枕戈枉革軍民晏然還其枕席公獨羈孤蕭條老疾凡我同袍莫同其戚積感終身浮名四域貴壽非我襟情自惜華采終照運數俄遷管時鼓角今日山川虎氣騰雲龍劍還淵長松蔭國美標在原祁連賜冢何僂負天華表千歲玉樹重泉梁鴻可傷叔譽徒觀

皇贈侍郎賜祭葬光祿大夫貴州布政司使王君墓志

銘并序

君諱德楠字朗卿江華黃竹柴人其先廣東東莞王氏祖達敷始遷領北父諱燦養母謝氏三代均以君官二品立功特賞一品封咸豐初領外盜起蔓延永桂所在團練君兄吉昌最有名曾侍郎治兵衡州遣平甯遠道州土寇君率十六從兄跳盪巡撫駱公知其材及大援江西兵餉並匱率偏旅備資糧合曾部圍寇奉新昌吉追奔深入推鋒遠殲代領兄累遂留江西從克瑞州豐城身被七創出境援浙收衢五縣時曾公引退軍政無綱君官五品例難獨將因用助餉議敘擢臬道員俾聘

文集墓志銘

十一

高遠抗衡列將玉山衝要遂專防守危城屹屹寇來如牆踐雪乘堙拒戰九日兵食俱困智勇沛然乃躬率帳前夜焚寇壘寇帥李秀成即曾公所憚也三戰三合卒遜廣豐奏功賞花翎加按察使銜逮蘇杭竝陷曾左斂軍唯倚鄱東以通餉餉羣盜洶洶志圖衢信孤軍屯距經三百日六被長圍曾無蟻援寇竭其力我不告勞

詔賞勇號部從優敘而逋餉巨萬軍士散亡自幼免官釋兵待罪浙撫左公方困龍游奏以自副軍竄未黔堅城立破具奏復官留浙自後驂靳高蔣號爲三軍奔命五季周旋閩越凡五得奇捷十復名城再被重創功名

文集墓志銘

十二

赫夷然左公咄嗟使人患其驕直急則優假緩則厭之初調赴閩奏署按察使軍中受印季二十九既遷布政復從援越左公自擅圖學習講方輿每按地圖遙授節度嘉應合圍汪洋兼行突進圖相影響君與劉典竝揭黃沙左公令屯江口周履形勢枯瘠偏荒路絕行人乾灘臥水改用便宜移屯北溪甫至而右屯已潰海洋督其勁黨漫山驚隴龍旂數百衝鋒電掣君曰必外可虜此易禽也張翼避之伏槍叢擊海洋踣於餘醜遽降投兵旁跪俘四萬眾寇平加號達冲阿賞黃馬褂左公知兵事已定恥絳灌無文諷令乞歸遂請終養及西師

大起復奏自隨總統甘南定遠諸軍受降十萬眾賞頭品冠帶母病告歸終喪三季君孝性純至忠以移天幸值投間兩還侍養曾胡並有奪情之痛唯君無憾焉左公內召宿將竝從受命教練京營再督所部治涿及永定河隄特詔勞勲而時將偃伯朝論右文舊日臺司屈于巧宦醕賢親王博求英莖獨惜其歸託之浙撫廉以差委旋議援交趾遣將十營且署廣西提督自誓外綏固辭新命客將崎嶇要荒狼狽扼關助戰大捷諒山廷議罷兵復從初服卽家拜貴州布政使自藩閩至是三十季矣岳牧之班邈無同輩黔撫潘公當君顯時助

官州倅及將交替越次授印按察司君夷然自抑在僚如屬勤于職事必持大體婺川普安民苗私門接兵遣諭威信允孚然積苦兵間重創十數南征感障舊疹爾增光緒十有九季三月十二日卒官季五十有七巡撫崧蕃公問疾唯以暑夷窺伺爲慮故奏稱平居衡論期于破敵勤清忠毅足爲砥柱有 詔優贈官子祭葬以明季某月某日歸葬零陵禮也君通籍冊季在官一考位隆祿啻論者同悲軍獲之貲悉推贈學于永州勅建書院直輦萬金畿輔水灾出祭租千金助振疆臣特奏坊表再旌豁落樸誠亮爲楨榦膚功易著抑志誰甄爰

文集墓志銘

十三

刻幽珉將爲史補銘曰

鵬巖負海代鍾英挺管哀賜劍今功銘鼎琅琊世貴祥覽雙名洞溪卜宅三世昌卿鎮惡童奇荀都早達舍之則藏功而不伐羽林典午貴筑編丁人驚宿將自阮新例安不償勞脂不自潤沒視巖疆盱衡國豈龍淵始化鼇柱忽移湘淮灰滅將相星馳巨寢偃然鏗鐘不號何功何名孰咷孰笑青松覆壘大樹搖風永薤奇氣屈作長虹

振威將軍張君墓志銘

君張氏諱紹堂字又堂合肥人也宅于江甯

皇二十季秋考終甲第長子錫珍先從淮軍典司軍械前一季病故其弟士珩代之奔喪歸葬時東夷有風塵之驚廷臣誼囑倉黃促戰指斥淮帥及其私親淮帥李鴻章君妻兄也器賞三甥均寄重役飛章告變誣爲邦約違勞名捕若且歪胡越士珩自塋還詣上元對簿諸子遑遑莫敢營葬幾二季事乃白坐舅甥不嫌奪職淮軍聲名埽地矣君本謀興淮軍朔中興元從功臣也又與李密姻平江南四季引疾終養三十季未嘗出家門淮人督撫提鎮半天下執傾中外君無竿牘之間類先知有今日者而歸葬之日猶錢爲兒子累孤棺縣縣封

文集墓志銘

十四

樹弗營古人所爲感喟于功名之會也自曾國藩避事而推淮軍嘗淮軍者復推湘軍及夫朝鮮失援二京震驚湘淮軍竝無威使論者猥疑巨寇之平徒天幸耳冒刃陷陣今也則以李名既隆曾計亦乖一時之將相烏足榮乎恨是非不明辱及 國家後世讀史莫識其所以成敗即君雖超然善終而地下之憾將無窮也義軍之起本以自衛推鋒習勇久豔其利敗不任咎失城無罰故折而妻奮挫而不撓今乃越國縣軍動輒牽連敵兵未交已若潰亡韓白之將復何所用諸帥汰然怙其富執忘初窮勞而欲倖功不叛爲幸敗何可得而淮軍

坐食饋餉幾三十季有累卵之危無橫草之功知進不退以至于此使稍思君告歸之義知閒居之樂解散部曲豈遽終廢故論君行迹非獨見淮湘之廢興卽天下大計可指而見君十五學書二十學劍三十從軍四十退間凡在軍克城二十破壘陷陣功可紀者百數由監生擢至記名提督得勇號翎枝又以子官封充祿大夫其伐閱富貴皆非正志獨好儒術教諸子孫竝令從名宿大師及君之卒兩子貢舉有文名長孫亦舉于鄉矣淮人六七督撫未一歲而皆罷由是知早退者之善自惜其名也君以甲午七月己亥卒年七十有六歸葬其

文集 墓志銘

五

縣棗林岡旣紀功于豐碑爰具敘淮軍本末以昭智勇而采羅榮光之誄以爲之銘其詞曰

淮軍勃興始張靖達維公成之與湘比烈劉吳周潘皆溪相結實定中原李乃建節爰初犄角驂靳俊豪始搏寇吭復無爲巢中輔贛南偏師騰蹕躡徽鋒甯三階以擢戈船三翼衆馳電驅江滬一曠會師于吳下縣十七府二省一劇岩堅壘彼棼是櫛吳之初夷莽伏巖叢輯我彫戶乞我崇嘯建康之廬軍市十五抑之歐之民復其所竈丁弗飭撓通臬西負海十舍摧旄刈倪諸將遂巡莫敢先發率士九百奮其斧戍功成不居幡然遂初

設其羽葆御其板輿難進易退古之亮節今也視人爭翕翕熱我公高尚并世所希建康神皋獨鶴與飛子姓英英總轡皇道母顧而嬰櫺書庭詰自母之殂神亾質在曾不終星亦歸東岱峩峩嚮霍湯湯淮淝將軍一忝雲日無暉亂曰世之論人以成敗毋自敗名以爲世快誰能逍遙外生之外薤茲幽詞作鏡千代

皇中憲大夫候官陳君墓志銘

君諱景純字安卿候官人也其先世居閩螺江蔚爲儒族衣冠文學迭踐清華獨守一經有同素士父諱觀海以嚴正訓迪延聲閭里君孝思純穆神情淵靜總角之

文集 墓志銘

十六

季研精六藝弱冠通虞氏易厭心名理不求聞達早喪元妻遂高不娶慈親衰老樂于色養雖啜菽盡歡而瓢飲屢空子琇瑩閔其勤斯謀治生業輒莞爾曰君子慕道貧乎何患端居寂靜凡卅餘載族從姻友並爲盛門財貨委積或託以釐理至其家計米鹽未嘗屑意也及夫訓翼有成翰飛天路出典南選入掌西臺君布衣里門無改雅度蕉葛升越不滓京塵光緒十四季琇瑩督學河南當家官舍固請迎奉翻然命駕未及稔歲遽聞弃養烏乎豈鴻鵠之舉倦于長風將使後學一瞻德範故無嘲于牖下乎粵以十五季七月七日卒于開封學

院春秋六十有四明季月日歸葬本縣佛子山先公之域禮也君廉介齔然而勇于周急淡于物欲然嗜藏書自閩之豫踰山越海琅編玉軸屬車相望乘輿蕭然襖被而已彼都人士以爲美談若其植蓄志趨觀其子則知之矣不有隱人何云名德貞而必曜乃作銘云其詞曰

儒林邈矣乃盛于閩管聞星里今見高門高門有璋一家四使竝佩瓊琚俱收杞梓有碩其儒被褐懷珠雪白蘭芬素絲不渝敝廬誦易淵淵金石鶴鳴登夫尋聲考迹誰謂弗彰河洛是儀仰之俄高哲人遽萎華不期久

文集墓志銘

賈焉斯茂師友寂寥山阿回首北郭幽宮松柏有嚴古

賢沈冥慰我于潛

瞿學士妻吳氏墓志銘

夫人善化吳氏諱世慧字曰靜儀其先歛人也祖銑通管商之學見重郡司父諱元浩以舉人試令河南知襄城汝陽二縣母余氏同縣名族甲科相繼夫人幼而端敏孝婉令儀季十二居父喪禮度稱情有若儒士淑問啾啾鼓鐘千里十九歸同縣瞿君卽翰林侍講學士鴻禡字子玖之元室也弱冠秀映賢能自退下帷守靜悠然琴几閨房相對朗如連璧其家法肅穆君舅威嚴子

姓中外進退多思夫人委佗觀志思媚君姑食貧燕爾在勞而逸及相夫成學文通譽顯我黻子佩參髮如雲既無汰容又無斬色可謂威儀棣棣德音不取者已季二十有六奉姑就養于祥符學院爰初侍宦旅館金明移柳依依天桃有灼朱幘翟裼望若仙來而華盛難居葆真告謝深達元化豫剋終期光緒三季七月辛亥歸卒于使院春秋廿七以夫官加級晉封夫人越以五季九月歸葬本縣南鄉之原三族悅焉鄉朝唁歎同穴之哀吁其永矣長子宣聰三歲而夭復產子女各一然皆不育有福無祿命也如何然貞脆有常榮枯非我浮雲

文集墓志銘

雖逝流芳不沫追尋達旨式瘞幽銘其詞曰

周姬分子蕃變江南穆穆季蘭毓秀湘宮芬華必合媛彥維雙有禮有容釐女釐士孝婉猗猗和于婢使未貴而章圭璋特美朝榮旣曜幽思潛悽臨川感逝弔舊知離宛其卷然如月之西遺悼在茲留恩委化薤此琳玉以充厚夜竹筠松尖惠心無射

李編修妻郭夫人墓志銘 并序

夫人郭氏諱秉慧字曰智珠湘潭人也祖父汪璨鄴縣令耆德儒文爲時宗匠父諱如翰第進士早卒母石氏端慈嫺禮夫人其長女也郭氏閨秀瓊暉玉映諸姑弟

四者嫁湘陰李文恭公尤擅才名竝傳詞筆夫人三歲失父端敏夙成鄴君憐之託于愛女時姑子方有雋譽學行斐然擇對邈焉務求嘉耦合茲兩美用結重昏季十六于歸卽翰林編修贈榮祿大夫諱杭字梅生之元嬪也問名之始三族咸歡玉鏡披帷謂迎仙匹文恭主文嶺雖並以家隨琴瑟房中傳爲雅頌及甥佳婦復有才名進拂青衿退吟紅藥美談衍于朝士淑問冠于湘州而理美難當瓊華易謝君姑沈疾侍養徒勞心弱魂孤恩深創鉅發聲歐血銜索枯形文恭譬喻多方孳親靡奪嚶啼失母姪外從姑粵以道光十有九年正月甲

文集 墓志銘

十九

子卒于開封官舍季十有八其季七月歸葬善化藕塘之莊原西山卯向編修後卒考貞別葬宜也越五十一季嗣子輔耀重修封樹惟夫人懿孝明智鄉國有聞文恭旣命編修刊其遺集自爲製序其傳久矣而志石弗刊將待厥後今子女孫曾追遠不置以閭運新撰縣牒備錄芳徽邦乘有徵幽讚是采礱于書丹乃爲銘焉其詞曰

湘詩復古小芊先聲匪唯粟潤亦賴和鳴麗矣紅蓓溫恭相敬天桃春始季蘭禮盛本期百歲才逾二季璋祥未兆髮右俄捐豈福不洪維仁外孝高謝禮華冥心正

覺善終啟後久逝如新彷徨局隧誦習靈文三世旣昌百聆方半式嗣芳型刻茲華琬

慈谿令秦君墓志銘 并序

君諱簣字鹿笙吳人也其先爲高郵名族康熙初有秦文超以湘潭舉人授浦江令遂爲湘潭人焉文超文學政事著名當代縣志有傳浙民有祠君卽其來孫也曾祖用易侯選訓導高澹不仕祖之鉉嚴正正儒父諱昌淬居貧厲行君少承祖訓孝弟慈良十歲能屬文博覽藏書多所輯錄醫藥不給束脩供養道光末最有文名軍興學廢閉門誦誦湘陰郭舍人舊客縣中欽君才品

文集 墓志銘

三十

及總東餉薦之自助于時湖南饋餉悉仰湘潭茶權貨征歲輸倍萬雖莞蘇翼若在鄉墮凡主本縣及岳澧鹽稅十有六季院司貪重同治甲子鄉舉弟九三試益困乃從例敘試用浙江知縣湖南貴州巡撫追敘前勞政試用爲候補加同知銜季五十一以儒爲吏同官迂之光緒六季譚尙書撫浙蘭谿請令遴君署事治以廉敬訟平盜息強幹之吏見謂弗如遂移鄞令疲難稱最兼瀕海通商賈胡畔渙會有商訟例屈法申夷君準理折之鄞民謹服則以爲俗襟煩媿宜崇禮教旌孝女錢石躬祠會稽民王孝子以章義凜惡姦猾知指踊作傳張

本府察其廉明更左右之用是同適革心令若流水譚公巡部頌聲洋洋君之發名自此始也十季補海甯令十四季調補慈谿甯海民習械鬥定邦王氏至築堡拒官君輕騎喻之破衝馬首因發火槍立什凶渠既除首惡從容聽訟又捕斬劫賊凡五十餘人更爲健吏及蒞慈谿淫雨爲災請卹未頒饑民待哺自貸金粟人分銖勺眾感其誠不待官帑明春大振因興工役百季水利一歲報成既積憂勞兼傷暑溽風患淫蹇致茲風疹決事還寢遂病不治十六季六月甲子卒于官舍季六十有七明季三月歸葬湘潭移風鄉洪警之原禮也惟君

文集 墓志銘

五

三典劇縣脂膏不潤在鄞納餉司庫吏浮其數甯海政孚通賤悉登耗羨餘金一無所取願坐前任負累萬金身沒之後幾傾其產而所至民便所去民悲可謂月計有餘古之良也然正尙所存不樂久宦三入浙闈一爲同考墨黃校閱意復欣然諸子門人輒勉以學曰侍從論思儒者職也才志殊途又可悲已銘曰

秦之遷湘如范徙陶雋矣浦江德音孔昭六世克紹復惠東甌爰始青紵以文爲富兵不廢業貨不自奢翹乘弗往公車是餽服政之季始軫其弭亦剛亦柔克究克宣庶慈我民以贊化元胡不黃耆政成而老悽悽輿誦

翩翩江旄巷泣雖哀璞完爲寶仙山西秀是樂歸北有子溫其顓頊之球無日不顯我銘在幽

張安化妻錢氏墓志銘 并序

宜人錢氏嘉興人蕝安吉士之女孫平湖張侍講之冢婦也父諱元均詹事府主簿母王氏東玉清門執紼文苑年廿二歸張夫曰憲和字文心咸豐九季舉人湖南安化命循吏儒林時有美譽宜人懸竿端淑靜有儀以姪從姑入門改服持喪哀敬三族稱焉承事王姑克恭家法四時之祭季蘭尸之遠冊四季簋饌豆膠雞鳴佩玉力乞無聲去歲寇凶扶持遷徙雖極顛沛係心如

文集 墓志銘

五

在周受胡福家道康然雅性寬柔言無疾遽從容鎮物珩璜中節嘗避兵山舍猝有劫徒率眾突門家人惶駭整衣出視識有舊傭懷以好音命酬願直眾服其雅量紛然而退夫罷常甯催科未集猾吏獻計將因龍斷宜人進曰此僊言也正以臨之彼刀何患其能持大體如此令君全名止足高澹超然非有賢妻豈無俗累昔稱萊霸諒不虛矣旣嫺婦禮服無靡麗絕情燕好息意游觀同治初汎海南奔夫嬰暑疾旅僑江夏誼絕親交邁危不驚求醫懇悃孤心隻影貞感神人僅及五旬衣帶穿敝神傷質外蓋有其由愛女中殂故鄉暮返升堂

尋迹殆若魂歸猶勉督夫子重興堂構鄰閭凋劫量情振救其在官也獄囚冬繫親絮衣裯尤善綴箴如完裘治慈聲所被非但嬰睨靜處勤行不汙豐約爰暨中壽參髮如雲將謂遐齡奄從大化庚寅七夕家廟薦新前夕登臺徘徊月露逮明將起忽眩于牀子婦扶承請從姑息強衣庀具俄遂維箴以是日昏時卒年六十有五巫醫靡措警歎猶聞二息號咷令君驚還不傷其外但恨其速也於乎盡矣粵以其季月甲子葬于先塋千里郵書百篇誄德闡運妻蔡夙奉貞槩縣悽之中請文述美人生無外彤管何書既怛且悲乃爲銘曰

文集墓志銘

三

越錢光國彥媛清華嬰山詠玉重喜宦家淑人有姪令德孔儀在貴實貧克遠紉羅昔學舫齋側聞孔釋括羽瑩金情和性莫詩人所稱篋笥是恪躬躬匪懈洋洋所託播遷誠憊游宦何甘言贊君子還守菽茹資老留愛嘉湖弛擔何以卒歲夫耕婦蠶眷此勞生勉求無有得喪非我不龔爲咎揮手浮雲冥心仙耦跂彼星明淒然秋竊珠湖濶矣玉帶如環靈不好游豈念君山芳菲不沫儀範無刊刻文蒼玖記思筠珉

常儀庵先生墓誌銘 並序

君諱豫字儀庵衡陽人也先代以孝功世官與明終始

及君祖父父子甲科位登收伯傳于 國史君秉性端嶷弱不好弄進退有度其容不改服翫詩書靡樂終綰季十九自京師還應鄉舉與道州何紹基益陽胡林翼並有美譽達于朝官州郡貪其高賢父老驚其季少遇有通塞七舉弗升卅五始以異等充本縣選拔貢生再遊九門居然老宿公卿側席同舍聳焉初登上第俄遭覆落于時

文宗踐阼推恩大僚以父任例得寺曹始官爲光祿寺大官署署正旋以助餉議敘爲部郎非其好也間二奉省覲江漢丁荃昌之厄昊天降割九地崩摧憾重舂輕

文集墓志銘

五

迺圖權濟泣血潛殯五喪並獲方在民舍凶酋奄至持矛躍馬醜謀破門君隱伏芻薪之中矛中其履若有冥佑寇瞑而行大軍入城 詔求忠後君扶服送喪間行歸衡鄉兵方起侍郎曾公方困軍資君上先公奉銀及卹賞費凡數千金以振其闕然以酷難屯蹇身家顛沛絕階功名終于惠患矣君行誼高騫慎言敏行然諾不欺有同季路雖在閭巷夙宵家國創立團約大修山堡工費鉅萬不請公錢密戒不虞尤深其慮姦民盟結輒遣謀鉤未發已禽莠黨摧落又躬至南海咨訪夷情總督勞公疑其求仕乃助資輸官議敘以道員候選君識

其意逡巡便歸當塗貴人莫見其面然天性樂善飢渴
人材喜聞勝己勤于引進意所不合怫然義形少精音
律晚習王遁湖海術客亦常盈門自推外季早飭其備
卒前十日猶意氣岸然寢疾三日以同治九年九月己
丑卒季五十有六豪傑之士莫不震悼如何中季殲此
奇寶平世尙文而君弗達危時須材而君自闕鄉鄰蒙
祐而君弗留友朋杖信而今靡就以明季六月丁卯葬
于衡陽十二都石合町之岡是用薤文重泉瘞君之憾
鐫銘勳石紀君之惠

銘曰道山之麓巖阿寂兮志士過之行躑躅兮惟此楨

文集墓志銘

三

翰遭摧傷兮臥于幽局望八荒兮古今之豪同一邱兮
君安兮山之幽兮

皇清誥授

榮祿大夫
振威將軍

故兵部侍郎都察院右副都御史

巡撫安徽兼提督奇齊葉勒特依巴圖魯唐公墓志

銘并序

公諱訓方字菽渠常甯人也先世自監利來遷世有英
賢曾祖侃縣學生員祖恂父諱棣林學行淵懿隱居求
志並贈一品階官公幼沈毅豐頤秀眉初受禮經服膺
襲王之學道光庚子鄉試充舉六絀于禮部習業京師
東脩求誨者文卷盈門義取仁施以周友急清泉唐生

安仁段生旅殯不歸舍車載柩徒步許鄭之郊賣衣供
費同時新甯江生以送喪顯名公之行人莫知也咸豐
初軍興太傅曾公貪其宏篤版領偏師攻寇蒲圻興國
蕲有功以名字號軍爲訓字營營官凡名戰二百收城
三十以教諭在軍六季累擢授湖北糧儲道有 詔解
軍赴官以勸助勤所部精兵聽擇將代領於是江淮帥
臣疏調自助者月有三四湖北巡撫胡公執奏留鎮連
擢按察布政使並就鄂臺蒞之以宿威翔之以雅步屬
大帥左次老昌波蕩督府旦開莫敢晨炊公單馬雙劍
手刃反虜出奇設疑民心大定

文集墓志銘

三

穆宗初元淮皖內訌前帥因喪解官薦公爲安徽巡撫
督師臨淮固保肥渦孤軍飢疲躬食半菽煦咄遺黎鉏
仆元惡僅逾兩稔復覩太清然後招流亡給牛種將敷
富教之政而援軍媚于湘師浮譎擠公廷議依回 詔
還湖北署臬使旋守巡撫撫寇北侵亟遷直隸布政使
入對

兩宮 天言咨美俄治防河沼讓功于寮羣望缺焉藉
公事免官俾領防務其時羣盜北趨六幕並開主客相
躡寔賴和輯內外台衡咸謂宜再典旄鉞聘于康衢行
義之志因時舒卷解嚴告歸幡爾明農其縣有鬻舍臨

平雙蹲昔季所主講也歸數學筵仍若布衣鄉人來見亦忘其貴蓋其冲素淵曠夷險一途固非榮辱所能累已昊不憖遺遐莫忽終季六十有八光緒二季二月丁丑薨于里第粵以其季閏月丙子葬于縣西藍江里楓坪之原遺命省約殯葬振助貧寡自斂至啟錢穀所存濟者老幼數千費逾萬金傾縣祖贈道路舉哀以過喪往往失聲可謂在邦必達在家必達者矣公起家儒門膺祿孔厚妻子奉養裁比上農族姻師友無德不贊自少爲文章老猶撰述皆不尙華靡自行其素夫人同縣劉氏以事姑至孝院司表聞 朝旨褒嘉表樹里門長

文集墓志銘

子七

子鏡心道銜廣東候補知府次敏眞兵部車駕司主事遷郎中次準經鹽運使銜湖北候補知府次敏正以蔭爲光祿寺署正早卒鏡心等奉喪咷摩所寄哀閭運咎同艱難中參賓從悲公德隱于功實過其名乃刻珉九京以昭幽夜其銘曰

哉哉白阜潭原之奧有曠有崇天作靈囿達人膺神文老深純亦第亦爵猶弗竟申林臥虎耽曳杖是甘優游義林虞淵弭驂宰上之柏居貞是度悠悠漢淮民念斯宅

蔡夫人墓志銘 并序

夫人蔡氏諱執生湘潭人也祖璜以義俠仁聲名聞州郡祖母嚴爲縣女宗父諱榮森初名曉源文高列校隱居不仕母高塘李氏奕葉名門早凋慈蔭夫人依侍祖母備嫻工德織紵繡組漿酒齊蒞並精絮華馨爲女士在式季十八父友丁取忠方善閨運誦而媒之閨運少喜標置不樂土風未之許也他日丁復言蔡女高傲或勸勿媒閨運遽曰女中安得高者請願娉焉問名之夕夢通謁者紅錦金書唯緹字朗然旦得庚帖越二歲來歸故字以夢緹然舉止任情語音愴重又不樂也旬日泛問家事欲難以所諱應對敏約婉而有禮始敬異焉

文集墓志銘

子六

自是三十八載凡大義所存世俗乖刺之事夫妻處置不議而同遂專家政聲聞于遠既習禮容尤矜風格明眸廣額參髮稠如姻家黃嘗大會族親滿堂轍佩或問誰爲王嫂黃母笑曰劉婦萊妻一望識矣同時陳鄴縣妻裴光祿妻張安化妻並有才德咸共推襟商北陳母攸龍母衡陽程母者媛母儀俱加欽愛訓約子女有過嚴師幼無帛襦長無靡飾初嫁之歲躬不勝勞乃自習勤遂能薪汲君姑篤疾夫適計偕暑竈寒庭親供藥餌由此勞痼深纏筋絡每發垂臥遂以不瘳然自力起居彌加圭絜微衣之日尊無纖塵若其祭祀之致虔賓客